

www.BibleForChildren.org

Matthew 8



Tin din pichete, ta te shadi thakise, Cana nogor laga Galilee te, aru Jisu laga ama bhi ta te thakise. Aru etu shadi te Jisu aru Tai chela khan ke bhi matise.



Jitia draikha ros khotom hoise, Tai ama pora Taike koise, “Taikhan logote draikha ros aru nathaka hoise.” Tai ama pora nokorkhan ke koise “Ki hoile bhi Tai tumikhan ke koribi kobo, etu he koribi.”



Jisu taikhan ke koise, “Kolsi te pani bhorai dibi.” Taikhan eneka bhorai dise. Aru Tai nokorkhan ke koise, “Etu olop ulai lobi aru loijai kene kha luwa saithaka manu ke dibi.” Aru taikhan eneka korise.



Titia kha luwa sa manu pora etu pani ke khai saise jun to draikha ros hoise, hoilebi etu kot pora ahise jana nai, kintu nokorkhan jun he pani anidise taikhan to jani thakise, aru kha luwa sa manu shadi koribo thaka mota ke matise.



Aru koise, “Sob manu prothom te bhal draikha ros diye,
aru jitia bhal to khai loi kene nisa hoijai etu pichete he
sosta laga draikha ros diye,
kintu apuni to bhal ros
etiya tak bhi rakhi ase.”




Jisu pora Galilee laga Cana te etu prothom chihna
kori kene Tai nijor mohima dikhai
dise, aru chela khan
Taike biswas korise.



Jitia Jisu pora Peter laga ghor te ahise, Peter laga maiki laga ama bukhar pora bemar hoi kene ghumai thaka dikhise.



Jisu pora tai laga hath choise aru titia bemaar taikhe chari kene jaise. Etu pichete tai uthikena Jisu ke kha luwa sewa kori bole shuru hoijai.



Jitia saam hoise, aru suryo nami jaise, taikhan bemar
thaka manu aru bhoot pora dhoru kene thaka sob Tai
usorte loi anise.


Aru Capernaum
sheher te thaka sob
manu khan ahikena
dorja usorte
joma hoise.



Aru Tai alag kisim laga bemaar thaka manu khan ke bhal korise, aru bhoot khan pora dhoori kene thaka atma khan khedai dise, kintu Tai etu bhoot khan ke kotha kobole diya nai kelemane taikhan jani thakise Tai kun ase.



Aru manu khan Jisu ke chubole kosis korise kelemane
Tai pora changai laga hokti ulai thakise.



Titia kunba manu khan Jisu usorte ekjon juthor bemar
para bera bole napara manu ke loi anise; taike charjon
pora uthai anise.



Jitia taikhan manu bisi thaka nimate
Jisu usorte taikhe loi jabole para nai,
taikhan kun jagate Jisu thakise, ta te
laga chat hatai dise, aru chaat
khuli diya pichete, taikhan
bisna te ghumai thaka
manu ke Jisu
usorte namai
dise.




Jitia Jisu taikhan laga biswas dikhise, Tai etu manu ke koise, “Putro, tumi laga paapkhan sob maph kori dise.” “Moi tumike koi ase, uthibi, tumi laga chatai lobi, aru nijor laga ghor te jabi.”



Jitia Jisu naw bhitor te bohi loise, tai laga chela khan
sob Tai piche korise. Aru sabi,
ekta dangor andhi nodi pora
uthibole shuru hoise, aru purah
naw to hawa aru pani
pora hiliai thakise. Kintu
Jisu to ghumai thakise.



Jisu taikhan ke koise, “Tumikhan biswas komti thaka
khan kele bhoi khai ase? Etu pichete Tai uthikena nodi
aru hawa pani ke hukum dise. Titia sob chup-chap hoi
jaise. Kintu sob manu asurit koi kene koise,
“Etu ki kisim laga manu ase,
hawa aru pani tak
Tai laga kotha mane?”



Kelemanne Isor duniya ke eneka
morom korise, Tai nijor laga ekjon he
thaka Putro ke di dise, tinehoile jun
Taike biswas koribo, khotom
nahobo, kintu anondo
jibon pabo.



Romans 3:23

Kilekoile sob manu paap korise aru Isor laga mohima
napuncha hoi jaise,

Romans 6:23

Kelemanee paap laga daam to mrityu ase, kintu Isor pora
diya inam to hoile Probhu Jisu Khrista te anonto jibon ase.

Hebrews 9:27

Jineka manu bhi ekbar mori bole lage, aru etu pichete bisar
kora laga homoi ahibo,



Ephesians 2:8,9

Kile mane biswas dwara Isor laga anugrah pora apnikhan poritran paise, aru etu to apuni pora aha nohoi, kintu Isor laga bordan ase, nijor laga kaam khan pora nohoi, kelemane kun bhi phutani nahobo nimate.

Romans 10:9,10

Kelemane, jodi apuni laga mukh pora Jisu ke Probhu eneka shikar korile, aru apuni laga monte Isor pora Tai mora pora jinda uthai dise eneka biswas korile, titia hoile apuni poritran pabo. Kelemane monte biswas kora pora ekjon dharmik hoijai, aru mukh pora shikar korile poritran pai loi.



John 3:16,17

Kelemanee Isor duniya ke eneka morom korise, Tai nijor laga ekjon he thaka Putro ke di dise, tinehoile jun Taike biswas koribo, khotom nahobo, kintu anondo jibon pabo. Kelemanee Isor duniya ke khotom kori bole nijor Putro ke patha nohoi, kintu etu karone ase, Tai karone he duniya bachibole.

First John 5:11-13

Etu gawahi ase: Isor amikhan ke anonto jibon dise, aru etu jibon Tai laga Putro Jisu logote ase. Kun manu logote Jisu ase tai jibon paise. Kintu kun manu logote Isor laga Putro Jisu nai tai jibon panai. Moi tumikhan ke etu kotha khan likhi ase etu pora tumikhan anonto jibon ase koi kene janibo- tumikhan kun Isor laga Putro Jisu Khrista laga naam te biswas kore.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Naga Pidgin NT (nag) NAG-ISV Creative Commons
License Indian Standard Version (ISV) - Nagamese
(Indian Standard Version (ISV) - Nagamese),
2019 by Bridge Connectivity Solutions Pvt. Ltd.

<https://www.bible.com/bible/3335/MAT.1.ISVNAG>

©2026 Bible for Children, Inc.

www.M1914.org

www.bibleforchildren.org

